



Llywodraeth Cymru  
Welsh Government

## **Bwrdd Visit Britain**

# **Penodi Cynrychiolydd Llywodraeth Cymru Aelod o'r Bwrdd**

**Dyddiad Cau: 10 Medi 2018**



**The Commissioner for  
Public Appointments**

**Cynnwys**

Tudalen

**Gwneud Cais**

**3-4**

**Gwybodaeth i Ymgeiswyr:**

**Swyddogaeth Cynrychiolydd Llywodraeth Cymru (Aelod o'r Bwrdd) 5-8**

**Y broses ddethol**

**9**

## Gwneud cais

Diolch am eich diddordeb i fod yn gynrychiolydd Llywodraeth Cymru ar Fwrdd Visit Britain.

I wneud cais ewch i wefan penodiadau cyhoeddus Llywodraeth Cymru yma: <https://cymru-wales.tal.net/vx/lang-cy/mobile-0/appcentre-3/brand-2/xf-643606d0a1d8/candidate/jobboard/vacancy/7/adv/>

I wneud cais am y swydd hon, cliciwch ar swydd wag Aelod Bwrdd Visit Britain ac yna cliciwch y botwm 'Gwneud Cais' ar waelod y dudalen ar yr ochr chwith.

Y tro cyntaf ichi wneud cais am swydd, bydd angen ichi lenwi ffurflen gofrestru ar gyfer system ceisiadau ar-lein Llywodraeth Cymru. Dim ond unwaith y mae angen ichi gofrestru, a thrwy wneud hynny byddwch yn gallu dilyn hynt eich cais, ac unrhyw geisiadau eraill rydych yn eu hanfon, trwy'ch cyfrif.

Ar ôl cofrestru, byddwch yn gallu gweld y ffurflen gais. I wneud cais bydd angen ichi lanlwytho datganiad personol a CV i'r adran 'Rhesymau dros ymgeisio' ar y ffurflen gais ar-lein.

### Datganiad Personol

Dylech ddarparu enghreifftiau manwl sy'n dangos sut y mae'ch gwybodaeth a'ch profiadau yn cyd-fynd â phob un o'r meini prawf, ac sy'n disgrifio'ch cyfraniad chi at gyflawni canlyniad penodol. Dylai eich datganiad personol nodi'n glir pa dystiolaeth benodol sy'n gysylltiedig â pha faen prawf. Mae'n arfer cyffredin darparu paragraffau ar wahân mewn perthynas â phob maen prawf.

*Ni ddylai'ch datganiad personol fod yn fwy na 2 dudalen. Gallai'ch cais gael ei wrthod pe baech yn mynd dros y terfyn hwn.*

### CV

Sicrhewch fod eich CV yn cynnwys manylion bras eich swydd bresennol neu eich swydd ddiweddaraf a'ch dyddiadau yn y swydd honno. Nodwch unrhyw benodiadau Gweinidogol presennol neu flaenorol.

### Amserlen fras

Dyddiad cau:	10 Medi 2018
Llunio rhestr fer:	Canol Medi 2018
Cyfweliadau:	31 Hydref /1 Tachwedd 2018
Penodiad:	1 Ionawr 2018

### Datganiad Amrywiaeth

Mae Llywodraeth Cymru o'r farn y dylai aelodau byrddau cyrff cyhoeddus adlewyrchu'r gymdeithas yng Nghymru – pobl o bob cefndir – er mwyn eu helpu i ddeall anghenion pobl a gwneud penderfyniadau gwell. Felly, mae Llywodraeth Cymru yn annog amrywiaeth eang o unigolion i wneud cais i fod yn aelodau o gyrff cyhoeddus. Rydym yn croesawu'n arbennig geisiadau gan bob grŵp sydd heb gynrychiolaeth ddigonol gan gynnwys menywod, pobl dan 30 oed, pobl o gefndir du, Asiaidd ac o leiafrifoedd ethnig, pobl anabl a phobl lesbiaidd, hoyw, deurywiol a thrawsryweddol.

### **Cynllun Gwarantu Cyfweiliad – Yn Gadarn o Blaid Pobl Anabl**

Mae Llywodraeth Cymru yn gweithredu cynllun Cadarn o Blaid Pobl Anabl ac yn croesawu ceisiadau gan bobl ag anableddau. Mae'r cynllun yn gwarantu cyfweiliad i bobl anabl os ydynt yn bodloni'r meini prawf sylfaenol ar gyfer y swydd.

#### **Manylion Cyswllt:**

I gael rhagor o wybodaeth am rôl Visit Britain ac am rôl yr Aelodau, cysylltwch â:  
Rob Holt, Dirprwy Gyfarwyddwr Datblygu Twristiaeth a Digwyddiadau Mawr,  
Llywodraeth Cymru.

Ffôn: 03000 616096

E-bost: [rob.holt@wales.gsi.gov.uk](mailto:rob.holt@wales.gsi.gov.uk)

Os ydych angen rhagor o gymorth i wneud cais am y swydd hon, cysylltwch â'r Uned Penodiadau Cyhoeddus [PublicAppointments@gov.wales](mailto:PublicAppointments@gov.wales)

## **GWYBODAETH I YMGEISWYR**

### **Llywodraeth Cymru**

Mae twristiaeth yn gwneud cyfraniad mawr i economi Cymru. Mae cyfanswm y gwariant blynyddol gan dwristiaid/ymwelwyr yng Nghymru yn oddeutu £6.3 biliwn. Mae Cymru yn denu mwy na 10 miliwn o ymweliadau dros nos bob blwyddyn. Mae'r rhaniad ar hyn o bryd yn oddeutu 90% o ymwelwyr o Brydain a 10% o ymwelwyr rhyngwladol gyda gwariant wedi'i rannu oddeutu 80% o'r DU a 20% yn rhyngwladol.

Mae Cymru wedi gweld cynnydd blynyddol cyson mewn nifer a gwariant ymweliadau rhyngwladol ers 2012 (ymweliadau 2016 1.07 miliwn, gwariant £444 miliwn). Fodd bynnag, mae cynyddu ein cyfran o'r holl ymweliadau rhyngwladol i'r DU yn parhau i fod yn her gyda dim ond ychydig o dan 3% o deithiau a 2% o wariant yng Nghymru. O ran swyddi, mae 131,200 (10% o'r gweithlu yng Nghymru) yn cael eu cyflogi'n uniongyrchol ym maes Twristiaeth. Ar y cyfan, mae twristiaeth yn cyfrannu at 5.7% o'r holl Werth Ychwanegol Gros i economi Cymru.

Mae Strategaeth Twristiaeth Llywodraeth Cymru (2013-2020) Partneriaeth ar gyfer Twf (<https://gov.wales/topics/culture-tourism-sport/tourism/partnership-for-growth-strategy/?skip=1&lang=cy>) yn pennu amcanion Llywodraeth Cymru ar gyfer datblygu twristiaeth mewn dull cynaliadwy a chynyddu ei chyfraniad at lesiant economaidd, cymdeithasol ac amgylcheddol Cymru. Ei nod cyffredinol yw cynyddu enillion twristiaeth yng Nghymru 10% neu fwy erbyn 2020.

Mae polisiau a blaenoriaethau ehangach Llywodraeth Cymru wedi'u hamlinellu yn - Llewyrch i Bawb (<https://gov.wales/newsroom/firstminister/2017/170919-national-strategy-for-a-more-prosperous-wales/?skip=1&lang=cy>), Cynllun Gweithredu Economaidd Llywodraeth Cymru, (<https://gov.wales/topics/businessandconomy/economic-action-plan/?skip=1&lang=cy>) Deddf Llesiant Cenedlaethau'r Dyfodol (Cymru) 2015).

Mae'r Cynllun Gweithredu Economaidd yn nodi twristiaeth fel Sector Sylfaen gan gydnabod y cyfraniad sylweddol y mae twristiaeth yn ei wneud i economi Cymru ac yn pennu sut y bydd Llywodraeth Cymru yn cefnogi datblygiad twristiaeth drwy farchnata, sgiliau, cyfleusterau, darparu digwyddiadau mawr a darparu cynnyrch twristiaeth o safon.

### **Llywodraeth y DU**

Mae'r Swyddfa Ystadegau Gwladol yn amcangyfrif bod twristiaeth wedi cyfrannu dros £62 biliwn yn uniongyrchol i economi y DU yn 2014, sy'n cyfrif am dros 3% o Werth Ychwanegol Gros y DU. Yn 2016, lansiodd y Prif Weinidog y Cynllun Gweithredu ar Dwristiaeth y mae'r Llywodraeth yn bwriadu ei ddefnyddio i ddatblygu'r diwydiant twristiaeth ymhellach, a lledaenu manteision twf ledled Prydain, drwy annog mwy o ymwelwyr i deithio y tu hwnt i Lundain.

### **Am Visit Britain**

Mae Visit Britain (yr Awdurdod Twristiaeth Prydeinig blaenorol) wedi bodoli ers Deddf Datblygu Twristiaeth 1969. Mae'n anelu at ddatblygu gwerth twristiaeth i Brydain, gan weithio mewn partneriaeth â'r diwydiant, gwledydd a rhanbarthau, ac yn adrodd i'r Ysgrifennydd Gwladol dros faterion Digidol, Diwylliant, y Cyfryngau a Chwaraeon.

Blaenoriaethau'r Ysgrifennydd Gwladol ar gyfer Visit Britain yw:

- Marchnata Prydain dramor i sbarduno twf mewn twristiaeth hamdden a busnes rhyngwladol;
- Cynnal gweithgareddau penodol i ddatblygu a marchnata twristiaeth yn Lloegr, yn bennaf drwy weithredu'r gronfa Discover England, a gweithgarwch i gefnogi ymweliadau busnes a digwyddiadau ar gyfer cyrchfannau yn Lloegr; a
- Cefnogaeth i gyflawni Cynllun Gweithredu Twristiaeth y Prif Weinidog, a gyhoeddwyd ym mis Awst 2016.

Mae strategaeth twristiaeth Visit Britain yn pennu yr hyn y gall Prydain ei wneud i sicrhau bod twristiaeth ryngwladol yn cynnig y manteision economaidd mwyaf posibl a sut y gall amcanion marchnata a pholisi gyd-fynd â'i gilydd. Mae'n anelu at ddenu 40 miliwn o ymwelwyr rhyngwladol y flwyddyn, gan wario £31.5 biliwn, erbyn 2020. <https://www.visitbritain.org/britain-tourism-strategy>.

## **AELODAU O FWRDD VISIT BRITAIN**

### **Y Rôl**

Mae disgwyl i holl Aelodau'r Bwrdd gyfrannu'n effeithiol at waith cyffredinol y Bwrdd. Prif gyfrifoldebau Aelodau'r Bwrdd fydd:

- Cynnig cyfraniad effeithiol i'r Bwrdd a chefnogi Cadeirydd y bwrdd fel y bo angen.
- Helpu'r Cadeirydd i sicrhau bod polisiau a strategaeth Visit Britain yn adlewyrchu ac yn sbarduno strategaeth Llywodraeth y DU ar gyfer twristiaeth drwy'r Cynllun Gweithredu Twristiaeth, ac yn cyflawni'r Cytundeb Rheoli rhwng Yr Adran dros Ddiwylliant, y Cyfryngau a Chwaraeon a Visit Britain.
- Hyrwyddo Prydain dramor fel cyrchfan i ymwelwyr a chefnogi effeithiolrwydd rhwydwaith Visit Britain o dros 20 o swyddfeydd dramor.
- Sicrhau bod Visit Britain yn gweithio yn dryloyw ac yn agos at Croeso Cymru.
- Sicrhau bod Visit Britain yn buddsoddi cymaint â phosibl mewn twristiaeth a hyrwyddo Prydain (gan gynnwys gweithgareddau hyrwyddo ar ran Cymru) dramor drwy gysylltu â phartneriaid a gweithgarwch masnachol, gan sicrhau bod gweithgarwch o'r fath yn parhau o fewn cwrmpas gwariant y sector cyhoeddus.
- Sicrhau cydweithio ar draws rhwydwaith eang o brif randdeiliaid, yn benodol y byrddau twristiaeth cenedlaethol, Sefydliadau Rheoli Cyrchfannau, llywodraeth leol a Partneriaethau Mentrau Lleol (awdurdodau lleol a busnesau yn cydweithio) arweinwyr y diwydiant twristiaeth a sefydliadau sy'n cynrychioli diwydiant.

Bod yn bresennol fel y bo angen yng nghyfarfodydd 'Bwrdd Rheoli Twristiaeth' Llywodraeth Cymru a darparu adborth o gyfarfodydd Bwrdd Visit Britain.

### **Manyleb Person - Maen Prawf Hanfodol**

Dylai ymgeiswyr fedru dangos bod ganddynt:

- y gallu i weithio mewn tîm o Aelodau'r Bwrdd i gyflawni amcanion a chynnig her a chymorth effeithiol i'r sefydliad
- y gallu i ddangos profiad ar lefel uwch/bwrdd mewn twristiaeth ryngwladol neu ddomestig neu faes perthnasol;
- Y gallu i feithrin perthnasau gwaith cadarn a phositif ac ennyn parch.
- dealltwriaeth o sefyllfa gystadleuol Cymru yn rhyngwladol a'r cyd-destun gwleidyddol y mae twristiaeth yn gweithredu o'i fewn; a
- profiad o weithgareddau digidol, technoleg neu farchnata;

### **Y Gymraeg**

Ystyrir bod Sgiliau Iaith Gymraeg yn 'ddymunol' ar gyfer pob Aelod o'r Bwrdd, ar y lefel a nodir isod:

Dealltwriaeth - Yn gallu deall sgysiau sylfaenol am bynciau bob dydd. Darllen - yn gallu darllen a deall rhai geiriau a brawddegau sylfaenol  
Yn gallu cynnal sgwrs sylfaenol yn y Gymraeg  
Yn gallu ysgrifennu negeseuon sylfaenol ar bynciau bob dydd

Golyga hyn y byddai o fantais i'r ymgeiswyr ddeall sgwrs sylfaenol yn y Gymraeg a darllen ac ysgrifennu deunydd sylfaenol neu syml, os yw pob maen prawf arall wedi'i fodloni.

### **Telerau'r Penodiad**

Y Gweinidog Diwylliant, Twristiaeth a Chwaraeon fydd yn penodi, ar ran Llywodraeth Cymru. Mae penodiadau'n cael eu gwneud fel arfer am dair blynedd, a chaiff aelodau eu hail-benodi am dymor arall o dair blynedd. Caiff perfformiad Aelodau'r Bwrdd ei adolygu bob blwyddyn gan y Cadeirydd.

### **Cyfarfodydd y Bwrdd**

Cynhelir cyfarfodydd y Bwrdd yn Llundain ac yn ôl dewis y Cadeirydd, yng Nghymru a'r Alban. Ar hyn o bryd cynhelir cyfarfodydd y bwrdd oddeutu chwe gwaith y flwyddyn. Staff Visit Britain sy'n darparu'r ysgrifenyddiaeth yng nghyfarfodydd y Bwrdd. Hefyd, bydd disgwyl i'r aelod fynd i oddeutu 10 o gyfarfodydd Bwrdd Rheoli Twristiaeth adran Twristiaeth a Marchnata Llywodraeth Cymru.

### **Pwy sy'n gymwys i wneud cais?**

Dylai ymgeiswyr fod yn bobl sy'n ymddwyn bob amser mewn modd a fydd yn ennyn hyder y cyhoedd.

Yn arbennig, rhaid i'r ymgeiswyr ddatgan a ydynt yn gwybod am unrhyw beth yn eu

bywydau preifat neu broffesiynol, a allai achosi embaras iddynt hwy neu i Lywodraeth Cymru petai'n dod yn wybyddus ar ôl eu penodi.

### **Ymrwymiad Amser**

Disgwylir i'r Cadeirydd fod ar gael i weithio am ryw 22 ddiwrnod bob wythnos. Bydd hyn yn cynnwys bod yn bresennol mewn oddeutu chwech o gyfarfodydd bwrdd Visit Britain (dau ddiwrnod i bob cyfarfod er mwyn cael amser i baratoi). Yn ogystal â hyn, bydd disgwyl i'r aelod hefyd fod yn bresennol mewn oddeutu 10 o gyfarfodydd Bwrdd Rheoli Twristiaeth adran Twristiaeth a Marchnata Llywodraeth Cymru - diwrnod ar gyfer pob cyfarfod.

### **Cydnabyddiaeth ariannol**

Rhoddir tâl cydnabyddiaeth o £320 y flwyddyn yn ogystal â Teithio a Chynhaliaeth. Llywodraeth Cymru fydd yn talu'r ffioedd a'r costau ar gyfer bod yn bresennol yn oddeutu deg o Gyfarfodydd Bwrdd Rheoli Twristiaeth Llywodraeth Cymru.

Cynhelir Cyfarfodydd Bwrdd Visit Britain oddeutu chwe gwaith y flwyddyn (bydd yr aelod yn cael ei dalu am ddau ddiwrnod fesul cyfarfod er mwyn gallu paratoi) a hefyd bydd Visit Britain yn talu costau Teithio a Chynhaliaeth.

### **Cymorth i Aelodau Anabl**

Lle bo hynny'n briodol, caiff pob addasiad rhesymol ei wneud er mwyn galluogi aelodau i gyflawni eu dyletswyddau'n effeithiol.

### **Gwrthdaro buddiannau**

Bydd gofyn ichi ddatgan unrhyw fuddiannau preifat a allai fod, neu y gellid dehongli eu bod, yn gwrthdaro â'ch rôl a'ch cyfrifoldebau fel Aelod Bwrdd Visit Britain gan gynnwys buddiannau busnes neu swyddi o awdurdod y tu allan i'ch rôl yn Visit Britain.

Os byddwch yn cael eich penodi, bydd disgwyl ichi hefyd ddatgan y buddiannau hyn ar gofrestr sydd ar gael i'r cyhoedd.

### **Safonau mewn bywyd cyhoeddus**

Bydd disgwyl ichi arddel safonau uchel o ymddygiad corfforaethol a phersonol. Bydd disgwyl i bob ymgeisydd llwyddiannus gadw at 7 egwyddor bywyd cyhoeddus (egwyddorion Nolan); [ymrwymiad i 'Saith Egwyddor Bywyd Cyhoeddus' Nolan](#)

### **Hyfforddiant Sefydlu**

Bydd yn ofynnol i'r ymgeisydd llwyddiannus fynychu sesiynau cynefino gyda Llywodraeth Cymru a Visit Britain.



## Y broses ddethol

Bydd y panel cyfweld yn asesu CV a datganiad personol pob ymgeisydd i benderfynu pwy sy'n bodloni'r meini prawf ar gyfer y rôl orau. Bydd y panel yn dibynnu ar yr wybodaeth yn eich CV a'r datganiad i asesu a ydych yn meddu ar y sgiliau a'r profiad gofynnol.

Rob Holt fydd cadeirydd y panel dethol (Aelod Panel Llywodraeth Cymru) a bydd Ian McCaig (i'w gadarnhau), Aelod o Fwrdd Visit Britain a Libby Watkins hefyd ar y panel, ac aelod annibynnol.

Gan ddibynnu ar nifer y ceisiadau a ddaw i law, efallai y bydd eich cais yn cael ei roi ar restr hir cyn cael ei roi i'r panel sy'n llunio rhestr fer i'w ystyried. Dylech fod yn ymwybodol efallai na fydd eich cais yn cael ei ystyried yn llawn gan y panel cyfan mewn sefyllfa fel hon.

Byddwn yn ceisio rhoi cymaint o rybudd â phosibl ichi o'r dyddiad cyfweld. Os na allwch fod yn bresennol ar y dyddiad hwnnw, fe wnawn ymdrechu i aildrefnu ond efallai na fydd hyn yn bosibl oherwydd cyfyngiadau amser o fewn yr amserlen benodi neu argaeledd y panel dethol.

Fe gewch e-bost gan y system benodi i roi gwybod ichi a ydych wedi eich gwahodd i gyfweiliad ai peidio. Ein bwriad yw cynnal cyfweiliadau yn Swyddfeydd Llywodraeth Cymru, Caerdydd .

Os cewch eich gwahodd i gyfweiliad, bydd y panel yn eich holi am eich sgiliau a'ch profiad ac yn gofyn cwestiynau penodol i asesu a ydych yn bodloni'r meini prawf a bennwyd ar gyfer y swydd ai peidio.

Bydd yr ymgeiswyr y bydd y panel yn credu sy'n addas i'w penodi yn cael eu hargymell i'r Gweinidogion. Caiff y Gweinidog ddewis cyfarfod â'r ymgeiswyr hyn cyn gwneud penderfyniad. Bydd bwlch amser rhwng y cyfweiliad a'r penderfyniad penodi terfynol. Bydd yr ymgeiswyr a gafodd eu cyfweld yn cael yr wybodaeth ddiweddaraf.

Os byddwch yn llwyddiannus, cewch lythyr yn eich penodi'n Aelod o Fwrdd Visit Britain, a bydd y llythyr hwnnw'n cadarnhau telerau'r penodiad hefyd.

Os na fyddwch yn llwyddiannus ar ôl eich cyfweiliad, bydd Llywodraeth Cymru yn rhoi gwybod ichi. Rydym yn gwerthfawrogi bod angen llawer o amser ac ymdrech er mwyn ymgeisio am rolau. O ganlyniad, bydd y llythyr yn cynnwys manylion yr unigolyn y gallwch gysylltu ag ef i gael adborth ar eich cyfweiliad a'ch cais.

### Ymholiadau a chwynion

Am ymholiadau ynghylch eich cais neu i wneud cwyn cysylltwch â [PublicAppointments@gov.wales](mailto:PublicAppointments@gov.wales)